

UNTUK SIARAN SEGERA

KENYATAAN MEDIA

BUDAYA BAWA BEKAS SENDIRI KE BAZAR RAMADAN

MELAKA, 20 APRIL 2021 : SWM Environment Sdn. Bhd. (**SWM Environment**) menggalakkan orang ramai membudayakan amalan membawa bekas makanan dan minuman sendiri serta beg yang boleh diguna semula setiap kali berkunjung ke bazar Ramadan untuk mendapatkan juadah berbuka puasa.

Pengurus Besar Korporat SWM Environment, Mohd Norlisam Mohd Nordin berkata, amalan ini dilihat amat penting bagi mengurangkan penggunaan plastik sekali guna memandangkan kebanyakan makanan dan minuman di bazar Ramadan dijual dengan dibungkus di dalam plastik.

“Peningkatan sisa plastik bungkusan makanan di bulan Ramadan dikhuatiri akan menyumbang kepada pencemaran alam sekitar secara berterusan. Oleh itu, sudah tiba masanya kita mewujudkan budaya baharu iaitu ‘*tapau*’ juadah berbuka puasa dengan menggunakan bekas yang dibawa sendiri seperti mangkuk tingkat, *tupperware* serta beg kitar semula.

“Jika setiap di antara kita memulakan budaya ini, tidak mustahil ia akan menjadi satu kebiasaan dalam kehidupan seharian dan seterusnya dapat mengurangkan penggunaan plastik serta sisa yang dijana. Selain itu, makanan yang ditapau dalam bekas makanan sendiri lebih terjamin kebersihannya serta boleh terus dihidang,” katanya.

Tambah Mohd Norlisam, membawa bekas sendiri dan beg kitar semula ke bazar Ramadan juga menyokong salah satu elemen dalam kempen kesedaran 3R (*Reduce, Reuse, Recycle*) yang merujuk kepada pengurangan sisa yang dijana termasuklah sisa plastik.

“Walaupun perubahan yang dilakukan ini nampak kecil tetapi mampu memberi impak yang besar dalam jangka masa panjang termasuklah menyelamatkan alam sekitar daripada dicemari lambakan sisa plastik,” katanya.

Dalam pada itu, SWM Environment tidak ketinggalan membawa mesej kesedaran meraikan bulan Ramadan yang mulia ini dengan norma baharu iaitu elakkan pembaziran makanan.

Berdasarkan kepada tahun-tahun sebelum ini, adalah dijangkakan kadar sisa makanan akan meningkat sebanyak 20 peratus apabila bulan Ramadan.

“Oleh itu, SWM Environment menyeru masyarakat agar lebih menghargai makanan dengan membeli juadah berbuka mengikut keperluan. Sekiranya ada lebihan makanan, jangan terus dibuang sebaliknya beri kepada pihak yang memerlukan.



“Langkah ini bukan saja dapat mengelakkan pembaziran dan menjimatkan wang, malah dapat mengurangkan penajanaan sisa makanan yang dibuang ke tapak pelupusan sampah,” kata Mohd Norlisam.

-TAMAT-

FAKTA

SWM ENVIRONMENT SDN. BHD.

SWM Environment Sdn. Bhd. (**SWM Environment**) telah dilantik pada tahun 1995 di bawah perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara 2007, untuk bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Noor Che Wah Ramli

Eksekutif Kanan Jabatan Komunikasi Korporat

SWM Environment Sdn. Bhd.

Lot 4B-17,18,19, Jalan TTC 26,

Kawasan Perindustrian Cheng,

75250 Melaka.

(Tel) 06-3350191

(Faks) 06-3350117

(Emel) wah.ramli@swmsb.com